

bertus Stanislaus


is Collegii Soc. Jesu Strium  
immortalitatis.

PANEG. et VITAE

Polon. Fol.

№ 1102.







39  
ATRIVM  
IMMORTALITATIS  
IMAGINIBVS  
Heroicarum Virtutum,

*Illustrissimi & Excellentissimi S.R. I. Principis,  
Ducis in Olyka & Nieswiez,*  
D O M I N I

D. ALBERTI STANISLAI  
RADZIWIŁ,


Magni Ducatus Lithuaniae  
CANCELLARI, *Sc. Sc.*  
*Tucholien. Meneh. Caunen. Pinscen. Velonen. Sc. Sc.*  
CAPITANEI.

Fundatoris Collegii Pinscen. Societatis IESV.

*Ad leniendum ex obitu mærorem*  
*Illustriss. & Excellentiss. Comitissæ in Wisnicz,*

D. D. CHRISTINÆ LVBOMIRSCINÆ  
DVCISSÆ RADIVILLINÆ  
Cancellariæ Mag. Ducat. Lithu. &c. &c.

A  
Collegio Pinscensi SOCIETATIS IESV  
Exornatum.

21. 245  
III  
VNIV.  IAGELL. *Anno Salutis M. DC. LVIII.*

CRACOVIÆ,

In Officina Viduæ & Hered. Francisci Cæsarij S. R. M. Typogr.





**V**Lećciałci o **XIE ZNO** Orzeł vmilony,  
Rozrzewnił w sercu twoim żal nieutulony:  
Lecz nie tak chmurnym cieniem śmierć Orła okryła,  
Zeby się iego iasność z nocy nie wybiła.  
Tám zalećciał gdzie Słońce nigdy nie zachodzi,  
Dzień wieczny, nocy ślepey za sobą nie wodzi.  
Gdzie są szczerze roskoszy, a do tego wieczne,  
Od wszelakiey przekazy wolne y bezpieczne.  
Gdzie troski nie pánuia, gdzie pracy nie znáia,  
Gdzie mieyscá, nieszczęśliwe przygody, nie máia.  
Tám w słońce wieczne pátrzy okiem niezmrużonym,  
Tym iest wdzięcznym widokiem vbłogosławionym.  
Tak z nim iasność, y cnotá, w niebo zalećciała,  
Iż y tu żywa, w wdzięcznych pámięciách, zostála.  
Otrzyi lzy smutna **XIE ZNO**, gdzie światło nie schodzi,  
Tám twoy Orzeł kochány iasność swą rozwodzi.  
Bo gdy cnotá z zacnością lot Orła prostuie,  
By y w ciemny kray lećciał, ciemności nie czuie.  
Brzmia do tąd iego cnoty, sławá sięga niebá;  
Brzmi przykładna pobożność: żal miarkować trzeba.  
Ná coż proszę ten Orzeł trąby w sercu nośi?  
Ze sam w Boskim iest sercu przez te trąby głośi.



# ATRIVM IMMORTALITATIS.



*H*Æc est vera, multisq̃ ambita, concessa paucis vitæ mortalis felicitas: decursu temporis immortalitatem attingere, & impetu quo visibus humanis eripimur posteritatem occupare. Sapientissimo enim instituto ita damnis nostris prouidetur, ut illa quidem in lucra, & spolia mortalitatis in trophæa gloriæ commutentur. Quidquid viximus perdimus, si simul toti desinamus esse, dubitariq̃ non immeritò potest an fuerit? cuius corpus & virtus eodem conduntur tumulto. Licet, si libet, optimâ hominis parte virtute, immortales fieri. Hoc augusto Spiritu possumus animari à morte, hac beatâ fecunditate, propagari ad posteritatem. Pulchrum, & votis amplissimis par monstrari digito,

& dicier, **HIC EST:**

quoties tamen alio vultu quàm virtutis conspicui, famam publico damus, nec maiores exiguâ tumbâ, nec diuturniores fragili tabulâ, nec illustriores sparsis leuiter coloribus apparemus. Repetamus tantisper acta antiquis sæcula; mausolea æternitati sacra ingrediamur, atria fumosis heroum imaginibus augusta intropiciamus. Quæ illæ species virorum? quàm illustres formæ, quàm admirandæ? viuit adhuc, & totum vno vultu spirat Cocles exercitum, ardet illustris assumptis ignibus Sceuola, insultant hostibus deuota Patriæ



Deciorum capita, Fabij Veios fatigant, Annibalem Alpes  
horrent, Scipio Africam premit, Pompeius triumphat, Au-  
gustus orbi leges dicit. Inter sumus absentibus, nobisq̃ inter-  
sunt absentes, noscitur ac noscimus. O pulchram virtutis  
formam,? ô immortale decus? ô perennem gloriam? Age  
verò si eadem virtus cælesti religione cultior cælesti insigni-  
or prodeat specie, quos quantosq̃ monstrabit heroas? quibus  
vitæ melioris oculos animosq̃ spectantium complebit exem-  
plis? viua utique quæ vivis dat animos, & vita, quæ luci  
communi subductos luce fouet publica. Sincere virtutis cul-  
tores morte posteritati eduntur, excessu conseruantur: bea-  
tiori propagatione: quam à primo vsu auræ sumpserunt:  
quia & suimet parentes, nulli vitam debent, olim debitam,  
& temporum decrementa non metuunt, toti simul æternitati  
nati. Tales vos noscimus, attonitiq̃ diu intuemur, ô ingen-  
tes animæ, terrarum decora, perennitatis lumina, sæculorum  
Atlantes. Constantini, Theodosij, Casimiri, Eleasarij. Er-  
rant qui existimant ablatos vos, à populorum aspectibus, quia  
excessistis terris. Vt sol per siderum culmina elatus, non au-  
fertur oculis, sed lucidior infertur: ita Herodès virtute Deo  
sacra illustres, dum solo cedunt, occupant cælos: tanto cla-  
riori luce orbem illustraturi, quanto altius fastigium obtinu-  
erunt. Atria nobilitatis maiorum imaginibus antiquis culta.  
Atrium Immortalitatis orbis est. Pictorio penicillo non coli-  
tur, sed virtute. Quærat cum Macedone Appellem, cui ars  
aliena in pretio: ridebit Iupiter sua fulmina peregrinis inser-  
ta manibus: applaudent iusto Iouis ana' ingenia, quibus igno-  
miniosissimum alieno gloriari. Nonne umbra hominis ima-  
go cor-



go corporis? quid eius partis superviuat, cuius possessio mors  
 est? unde homines noueris, quos ligneas linteasq; cernas ta-  
 bulas? scilicet homo non truncus est, si truncus scalpatur,  
 vir non æs, non marmor, non tela, si manu artificis pronasca-  
 tur. Cedite fallacia ignauarum mentium ludibria, virtute  
 posteritas sine dolo occupatur, virtute propagamur, virtutis  
 specie, quales aut qui sumus, nulla spectantium fraude,  
 magna nostri gloria cognoscimur. Atq; hæc est Tuæ sortis  
 felicitas **ILLVSTRISIME ALBERTE STA-**  
**NISLAE RADZIWIŁ S. Rom. Imp. Prin-**  
**ceps Magni Lituaniæ Ducatus Cancellarie.**  
 Ingenti bonorum omnium dolore sublatus terris, ingenti tui  
 Nominis incremento ades posteritati. Vixisse te dicere vix  
 possumus (vix enim adhuc plenoq; virtutis vultu spiras)  
 viuere nos vix crederemus, nisi Te intueri, admirari, lauda-  
 re possimus. Fatemur perstringi oculos, confundi acies, neq;  
 tamen est quod excusemus. Non plus in aspectu Tui, ac  
 laudibus spectatori, quàm pictoribus in sua arte licet. Lau-  
 datur tamen audacia, cùm luminis conspecta puritas, colori-  
 bus adumbratur, cùm meridiei claritas ingenio artificis obnu-  
 bitur, cùm dies in tabula vesperascit, cum Sol nube pictoria te-  
 gitur. Nimirum necessitate peccatur, non affectu, vires  
 operi desunt, non animus. Oriri lumen sub calamo aut voce  
 non potest, quin obscuretur; radiare, quin deficiat. Has vices  
 in Tuarum virtutum **PRINCEPS** lineamentis spectan-  
 dis iuxta ac annotandis, subimus; umbratiles ingenio, grati  
 conatu: hæc pericula patiemur, nec tamen Tua simul patie-  
 tur dignitas. Quemadmodum coloratus Sol ad radios veri  
 solis



solis contemplandos deducit, ita virtutum Tuarum ductæ à nobis umbræ, tanto quoq̃ tristiciores, quanto à maiore animo, post Tuum à nobis abitum ortæ: ad Tuorum meritum splendorem fatiscetes oculos erudient. Experturi firmitatem aciei, oculos in Te ipso figant, nos lucem Tuam inumbratam difficile sustinemus. Neq̃ tamen aliâ formâ spectandus occurris, quam virtutis. Tot licet radij circumfundaris, quot generis summa nobilitas, quot illustrissimarum familiarum ac inprimis LVBOMIRSCIANAE inserta sidera, quot externorum Principum clarissima testimonia, quot maximorum in Republica officiorum gesta diffundunt munera: Tu tamen quidquid à maioribus luminis, ab amicitijs splendoris, à Principibus gloriæ, à Magistratibus summis, dignitatis accepisti, virtutem fecisti, quam more solarium radiorum, tanquam unicum Solem cætera ostentent ornamenta. Hoc tu Phœbo perenni inuectus horis, orbem illustras, hic occasum apud te nescit, hoc illustrissimus semper suspicieris, & iam spectaris.

## IMAGO PRIMA.

Illustrissimâ iuxtaque antiquissimâ Ducum  
RADIVILIORVM S. R. Imperij PRINCI-  
PVM familiâ ortus, auitam nobilitatem vir-  
tutum dignitate sustinuit.

## INSCRIPTIO

Magnum nasci, fortunæ munus:

Magnum viuere

VIRTVTIS OPVS.

Lunam



Lunam fortuna, solem virtus in orbe agit.

Lunam Soli si opposueris,  
Ingens amicissimorum siderum dissidium,  
terrarum damnum metuendum.

Vt radiet luna, radios à Sole accipiat;  
vt fortuna, à virtute.

O felicem vtriusque luminis concordiam?

In

ILLVSTRISSIMO PRINCIPE,  
ALBERTO STANISLAO RADIVILO:  
Ortus cum Lituania, adoleuit cum virtute.

Natus Dux ac Princeps, vixit Ducum Principumque Gloria.

Opulento turgens gloriosa sanguine vena,  
Pari fluxit gloriæ cupiditate.

Ibi tamen guttis, hic riuis.

Nobilitas Maiorum hæreditas facta meritorum:

Memoria, Imitatio: Gloriatio, Expressio.

Quidquid in Republica Polona magnum,  
idem aliquando Radiuillianum fuit,

PRINCIPIS NOSTRI esse meruit.

Clauas, Infulas, Purpuras, Sceptra nascens domi inuenit:  
inuenta virtutibus amplexus, meritis inuoluit.

Tantum de Summis Maiorum dignitatibus vindicauit sibi gloriæ,  
quantum Summo heroi sufficeret:

tantum de maximis spontaneè dimisit honoribus,  
quanti magnum fecissent, si non fuisset.

Illustrissimæ præterea Reginae ab Eisenreich consorti  
tum verò ab illius obitu,

Illustrissimæ Christinae Lubomirsciae,  
Comitissæ in Wiśnicz

Coniugali fædere iunctus,  
innumera inuentis adiecit decora



## Dignitatis, & virtutis.

Vt ex PRINCIPIS consuetudine dignitas ornaret virtutem,  
virtus dignitatem coronaret.

Commune vt Genus, ita virtus infra Principem meritò æstimata.

### Ô quantis

Summa hæc generis humani ornamenta  
etiamnum per orbem Polonum funduntur

SRZENIAVÆ LVBOMIRSCIANÆ fluentis?

Sanguine rubuisse fluuios, à cædibus Romanis, memoratur

totus sanguinis illustrissimi proluuiio

inter purpuras Lechicas exundat SRZENIAWA

mitior impetu, gloriosior fonte.

Nec inuidendæ Oceano gemmæ.

Copiosiores hîc leguntur,

### Quibus

æstimari non facilis, Concha,

MAGNORVM DOMVS LVBOMIRSCIORVM.

Lux, Generis claritas: Candor, meritorum fidus.

### Abundè

Splendorem à Maioribus acceptum auxisti

MAGNE PRINCEPS?

quando Hæreditarios RADIVILIANÆ Gloriæ ac virtutis

ortus,

Nunquam defecturo SRZENIAVA cumulasti.

## IMAGO II.

Non naturæ solùm, sed Diuinâ sorte felix à  
parentibus pietate Orthodoxæ Religionis  
commendatissimis editus, Romanæ Ecclesiæ  
professionem quo ad vixit constantissimè reti-  
nuit & promouit.

IN.



## INSCRIPTIO.

Cælum, cuius claues Petro datæ  
Terræ aperiunt  
Nam & Petrus cum in cælis degat,  
in terris residet.

ROMA à Petri in terris MORA, sedes cæli vicaria audit.

Et AMOR, cùm sit siderum,  
Sidereos ARMAT heròes.

Frustra bella mouetis Gigantes.  
quæ ab alto non timetis, intra vos sunt fulmina.  
Alia manu opus non habemus.

Dextera & Brachium Dei Romanos montes agit.  
Vnicus contra omnes Hydras sufficit Hercules,

Cui

Claues Petri, pro Claua.

Vni Capiti

Decemplex allisuræ monstrum.

Sed hem plorandam audaciam!

Placet multis interitus, dum salus dicitur.

Et bellum contumaciæ Pax conscientiae nominatur.

Gaude sorte Cælica

ILLVSTRISIME ALBERTE RADIVILE.

Cui

Vitam communem ingredienti,

Cœlestis simul Ianua patuit.

Petri Clauibus Ministris, Petri clauium fortissimo Tutori.

Vnius arboris cum multis fructus

feliciori erupisti RAMO.

Adamasti Romam, quia veritatem.

C

Pugna-



Pugnasti pro vtraque, quia pro Deo.  
Osor ingens tam scelerum, quam errorum  
imo errorum, quia scelerum.  
Mala fides cum bona vita nunquam conueniunt  
et male Religione vti, mala vita est perire.

Hæc ô Princeps  
prouidus intellexisti & vitasti  
illud egisti beneficus  
Vt Romanæ professionis sacra arma constanter promoueres  
Sub quibus nemo etiam cadit, nisi ad victoriam,  
Nemo iacet nisi ad Triumphos.

## I M A G O III.

VLADISLAI Principis à SIGISMUNDO  
III. Rege ac Parente, peregrinationibus ad ex-  
teros Præfectus, regiones ab eodem Regum  
Sapientissimo iuxta ac Pijssimo vetitas, solli-  
citè vitat, nullisq̃ue sociorum consilijs è senten-  
tia dimoueri finit, sed in eadem Principem  
continet.

## INSCRIPTIO.

Non omnis tellus vno flore vernat,  
Nec omnis arbor eodem fructu beata,

At

Placet Florilegium Pomilegiumq̃ue  
Separentur odorata à venenatis, immatura à maturis.

Neque gustûs sed iudicij opus esto.

Serò nimis mors hausta vitatur.

Manu quoque venenis admota capimur.

Sapien-



Sapientiam tuam SIGISMUNDE Regum dignissime?

Omnem amasti virtutem, nulla vitia.

Eruditionem BONI optasti Principi

Vetustis MALI gustum

Vtrumque nec in paradiso simul scire concessum

et cum proteruè discitur

malo nostro, male scioli plectimur.

Constantiam quoque tuam Sapientiæ Regiæ gemellam!

ALBERTE STANISLAE RADIVILE

Dum Parentis præcepta infractus in Principe filio imples

Regnum in utroque conseruasti

In Parente cum Filio Optimo relinquere posset,

In Filio cum par Patri suscipere meretur

In utroque

Cum qua sapientia alter suscepisset, alter conseruaret.

Asia Italiæ illata, Italiam ex Italia exclusit.

Polonia

peregrino trusa impetu, vix in se subsistit.

Vt pedibus homines sic Republicæ moribus nituntur,

Anne alienis?

Vndique colligatur

Sed sola

quæ cum ubique sit diuersa

ubique est eadem Virtus.

## IMAGO IV.

Cancellarius M.D. Lituaniæ ex officio creatus, leges fartas integrasque conseruare studet, non raro ingenti spe lucri neglecta. Sic cum à



quodam Magnate decem millia aureorum of-  
ferentur, ne certi officij speratæ illegitimè ade-  
ptioni se opponeret, oblatum munus conti-  
nuo reiecit, coram Christo, quem fortè sub spe-  
ciebus Panis sumpserat, protestatus, se ne to-  
tius mundi pretio, iustitiam, veritatemque se-  
mel iuratam venditurum, adeoque graui ser-  
mone egit, vt nec apud Principem, nec apud  
alios, opulentus ille Mercator ausus sit id offi-  
cij licitari.

## INSCRIPTIO.

### Tandem

In pretio pretium non est  
nec censu sed merito constant honores  
**ALBERTO STANISLAO RADIVILO**  
Legum ac Magistratuum Custode.  
Liber Principis animus suo se pretio æstimat  
nec toto emitur auro.

Asellus Philippi, asinis coronatis placet, non Aquilis  
quæ perspicacissimo **RADIVILI** è stemmate  
mercede honoris, Principem emi,  
cognouerunt, recusarunt.

Anne auro perstringeretur cœlestibus radijs assueta Ales?

### Et tamen

Sol aureus dum fulget, non rarò meridianus obscuratur,  
Pauci à fiderea die, ab hac innumeri cæcutiunt.

### Credamus iam Epaminondæ

Non solùm à Magistratu virum ostendi, sed & à viro Magistratum.

Vas pertusum aquam non cohibet

Illo scisso, hæc diffluit

Vasis



Vasis vitium aqua, naturam aquæ, vas prodit.  
Indignos officium arguit,  
dignos cum ornat, ornatur.  
Quantum sit CANCELLARIA TVM agere certius scimus  
quando ad officij æstimationem  
Oblatum pretium PRINCEPS profudit  
Non vt emeret, sed ne venalem faceret autoritatem.  
Tanti constat Heroibus honestum  
Vt omne vilescat aurum  
An orbis etiam?  
Cum Iustum ac Æquum Princeps facto tueretur,  
iustissimè ante tribunal velatum Dei  
id decidit.

## IMAGO V.

Reipublicæ tuendæ cohortes militares sub  
Sigismundo & Vladislao Regibus, tum etiam  
sub IOANNE CASIMIRO, ad Loiouo, Me-  
uam, Tucholiam, proprijs sumptibus aluit.  
Pacis tamen salutaribus artibus amplius dedi-  
tus, extremis vitæ temporibus, fidelitatem in  
pluribus promouit.

## INSCRIPTIO.

Bellorum domus, orbis est.  
Martis Polonia diu fuit  
fuissetque constantius  
Si consilij fulcra viribus supposuisset.  
Ex utroque Princeps.

D

ILLV.



ILLVSTRISSIMVS ALBERTVS STANISLAVS RADZIWIŁ  
non armis, non consilio Patriæ defuit

Negabit Zoilus, probabit veritas :

Carpet inuidia,

Loquetur Moscouia, Lituania, Russia, Prussia.

Pugnauit tantis viribus, quantis cohortibus

Viridem, & magna sæpe pars Exercitus.

Vt pluries Patriæ prodesset,

pluries in suis eidem vixit :

vt diu

mori simul non debuit.

Fabios Reipublicæ dedit, Decios pectore gessit.

Toga tamen quam sago claruisse maluit;

& pericula absentia auertere, quàm immissa depellere.

Ofor belli cùm vitari poterat, cultor pacis cùm retineri.

Vtriusque optimus Æstimator.

Pace enim hem Poloni, belli initia duximus !

togâ, cum fide plurium, deposita,

Sago, cum rebelli perfidia, assumpto.

ô quam arduum

impetus licentiæ semel effusæ, ratione cohibere !

Prosperitate publica, audacia; successibus, contumacia concepta

Monstrum eiecit naturæ degeneris

PVRPVRATAM PERFIDIAM.

Natiuo sanguine ad gloriam tincta, publico ad scelus erubuit,

nec tamen Principi ruborem affudit.

Veteri fide vitam egit

nouo censu Reipublicæ impendit.

IMAGO VI.

Publicis humanarum rerum curis, priuatis-  
que eam dedit operam, vt Diuinis præcipuam

impen-



impenderet, omniq̃ue ætatis studio ad piè ac  
sanctè viuendum conuerso Pijssimi Religiosis-  
simiq; Principis famam apud omnes obtinuit.

## INSCRIPTIO.

Non solùm nos nobis natos sed & Patriæ dicebat Tullius,  
Non nobis solum & Patriæ, docet Magistra veritas.  
Magnam potioremq̃ue partem cœlo accepimus  
restituturi.

Fallere neminem possumus, falli plurimum  
Alibi fraus damnum alienum, hic nostrum.

Accepta si non restituantur, perduntur.

Si reddantur habentur.

Quæ lucra credimus damna sunt, quæ damna lucra.

Sibi dum viuitur deesse, viui cadaueris est.

Patriæ, criminis; cœlo supremi exitij.

Vixisti ô PRINCEPS ILLVSTRIS-  
SIME ALBERTE STANISLAE RADIVILE  
& ita vixisti

Vt ex debito soluto munificus Princeps noscereris;  
& opulentus debitor

quibus Te debebas, abundè impenderes, sufficeres magnifice.

Optima pars vitæ ac studiorum Optimo Creditori celsit

DEO,

magno, largitoris minimè indigi, & debitoris omnia impendentis; lucro

Ille cùm omnia plena habuerit, thesauros auxit

Hic cum omnia impendisset

nihil expendit

Quàm vana à mortalibus cælum inter ac terras fingantur dissidia.

discamus exemplo Principis

Vtriq̃ue natus, vtriq̃ue vixit, & suffecit



Nec Patria suum Cælo, nec Cælum suum Patriæ inuidit Principem  
Laudauit communis consensus Religiosissimum Herodem

### Probauerunt sidera

Vt demum emeritam summæ pietatis Coronam

Vtriusque arbitrio assumeret

Posteaquam Patriæ quod debuit, exoluit

Cœlis se reddidit.

## I M A G O VII.

Inter maxima statui Principis ac Cancellarij  
agnata negotia, consilia Regia, visitationes vi-  
rorum Principum, iudicia publica, Diuinum  
Officium Sacerdotibus recitandum quotidie  
exoluit: itemque Officium quod vocant par-  
uum B. V. MARIÆ. Officium de Immacula-  
ta Conceptione. Rosarium &c. præter alia  
Superum honorilitari solita pietatis exercitia.

### INSCRIPTIO.

Regale forum aula est

in quo multum magnificarum mercium, plurimum temporis præstat

Extra fori autem pene mores.

Vix usquam emitur.

Sub hasta tanti res pretij locata, pretium perdidit

Culcitram Augustus vnus noctis quieti conciliandæ non inuenit

Tempus, vitæ præbiturum quietem contemnitur

Alia potiorque

ILLVSTRISSIMO ALBERTO STANISLAO RADIVILO

Summæ rei æstimatio

Nec



Nec vile, nec nimium visum, rem sua mole ponderanti  
In quodcunque incidit suum fecit  
alio quidem vsibus humanis, copiosissimo Diuinis attributo.  
Partitus vt colligeret, diuisit vt integrum seruaret.

### Iustissimus Iudex

Vt redderet vnicuique quod suum est;  
Æquissimus bene meritorum Amicus

Vt eum se testaretur ad Aras;

### Sapientissimus Regni Consiliarius

vt bene aliis suadendo, sibi optimè consularet:

### Gloriosissimus Cancellarius

Vt dies honoris sigillo in æternitate signatos agnosceret  
nullis à temporis lucro negotijs dimoueri se passus  
ac ne dolo paterent

Piissimis in Deum, Deiparam Virginem, Diuos Cælites  
officijs quotidie sigillabat.

Princeps in Curia, sine detrimento sanctitatis

Sacerdos inter negotiorum tumultus, sine necessitate professionis  
Deuotissimus Virginis Matris seruus sine damno libertatis  
Ædes publicas priuatasq; , subsellia præterea Senatus & Regum palatia  
in templa vertit.

in quibus censum Sacerdotalis Officij penderet

Ad aram utique pectoris Deo sacri

Hanc vt talem noueris.

Coronatam suspice

Non lauro, aut bacca, sed rosis lilijisque Marianis  
ritu melioris Romæ litatis.

## IMAGO VIII.

Præter orationes sacras voce persolutas, con-  
templationi rerum Diuinarum quotidie vnam

E

horam



horam tempore matutino, sæpe ternas quater-  
nasque diuersis temporibus impendit.

## INSCRIPTION.

Principium à Ioue, cum Ioue progressus felix esto  
Sed Iouem non fingimus nec Fortunam  
Qui Solem fecit vicibusque diurnis reficit  
Hic nobis Principium, hic Progressus, hic Deus.  
Non sua Sol nitet luce, non suo renidet aurora decore  
Vultus ille Dei, hic oculus est.

Cuius corpus, vniuersum: membra, elementa: Spiritus, motus, vniuersi

Nec tamen cum hoc est, est.

Nec hoc vultu cum spectatur, apparet: nec hoc oculo cum videt, intuetur:

Nec hoc Corpore constat, nec his partibus diuiditur, nec hoc motu viuít.

### Aliud

Oculis non subiectum. Ingens, Admirandum intellectu maius sibi est

Nobis tamen hoc quoque

Non quod istud sit, sed quòd in hoc, quid sit, cognoscatur

Lucis Diuinæ tenuis linea Solaris lux est.

Ex linea Appellem

Pulchritudinis scintilla, auroræ claritas

Ex scintilla ignem

Magnitudinis particula, mundus

Ex parte totum.

Actionum instrumenta Cæli, ignis, àér, vndæ, tellus

Ex gladio brachium

Vitæ leuis halitus. Vita omnium

Ex respirio vigorem.

Felicem Te ILLVSTRISSE PRINCEPS

ALBERTE STANISLAE RADIVILE

Cui dierum principium ab hac Diuinæ æstimationis contemplatione

Progressus cum hac.

Auro-



Auroram non respexisti quin Deum aspiceres, Solem à nocte reducem  
non excepisti, quin Deum animo reciperes,

Ioue non egebas, Deo imbutus

An dignior occupatio Principi, quàm cum Deo  
an grator Deo, quàm cum Principe ?

An rerum agendarum melius Principium, quàm à vniuersi Principio?  
aut perficiendarum potior ratio, quàm à summa ratione ?

Omne trinum perfectum, hìc maximè sit necesse  
& Principium, Mediumque cùm obtinuerit, Finem imponat Deus.

Currite horæ Deo meditatæ currite ?

binis ternisque passibus cùm processeritis,  
ad perfectum diem facilè proficietis.

Verùm & quaternis, quinisuè incrementis auctis  
ad Principium, à quo cæperatis decurrisse

Satis erit.

## IMAGO IX.

Aulæ suæ integritati studiosè semper inuigi-  
lans, familiam semper vigilijs præuenit, eâque  
somno deditâ Rosarium D. Virginis recitabat,  
tum pro domesticorum defectibus, tum vt aie-  
bat præueniendo morbi tempus, quo impedi-  
tus, non posset id officij D. Virgini præstare.

## INSCRIPTIO.

Nulla pænè nox famulis, dies Heris  
Dum hi pro illis continuo vigilant, illi per hos semper dormiunt.

Somnus & vigilia vitæ communis vices

Obsequia propria deseruerunt vt commendarent aliena.

Iniurijs quoque suis natura benefica

E 2

Vt ma-



Vt matrem se probet, interdum degenerat.

Luci & tenebris fundendis edita

Lucem aut noctem solam multis gignit

Sol & Luna in habitaculo suo diu stabilia,

tandem

ad ingenii humani mobilitatem mota sunt.

Sic nobis

Non rerum tantum, sed & cæli vertitur ordo.

At duravit gloriosè integer

ILLVSTRISSIMO ALBERTO STANISLAO RADIVILO

Meritus vigilas omnium

egit pro omnibus.

Stipatus Curiaæ oblequijs, stipavit Curiam insignibus, curis.

Nulli cessurus, communem voluit virtutem.

Aliena vitia non credidit, quæ suorum dici possent  
pulsa animo, prohibuit aula.

Confudissent non inglorium certamen  
imperantis ac obedientium mutua pro se studia

Nisi claritas Principis in tenebris effulsisset

Somno familia vacante, insomnis pro familia exorabat Heros

Sol de nocte lucebat

totis simul oriens annis

Cùm toti assumpto pietatis exercitio prouideret ætati:  
totum simul daturus diem,

Cùm Auroram per ædes circumferret Marianam

Hinc illæ Cælicæ Rosæ. hinc de Rosario feliciter confito

Principis Domus, Rosarum Hortus

Abeste procul rudes vriticæ mordacesque spinæ

Quidquid cælo non bene olet, rosæ istæ non ferunt

Hortus prohibet.

Conueniens domino est, moribus aula suis.

IMAGO



## IMAGO X.

Diuos Cælites singulari affectu profecutus  
ex more Sodalibus Congregationum Deipa-  
ræ in Collegijs Societatis IESV recepto Prin-  
ceps & Mag: Duc: Lit: iam Cancellarius sta-  
tutis diebus, Almæ Academiæ Vilenfis So-  
dalitia, ad legendos sorte aliorum Academico-  
rum, Tutelares mensium adit, ac inter reli-  
quam iuuentutem sortilegio sacro interest.

## INSCRIPTIO.

Adeo proni in genus humanum cæli  
Vt quos ipsa fortuna fugit  
admittant ambientes,

Pulcherrima audacia, tantum hîc meremur  
quantum demeremur alibi

Prensamus manus felicitatis supremæ baiulas  
Clientelasque non vitamus, non superbè ambituri.

Tuam verò singularem cum pietate industriam  
ILLVSTRISSE ALBERTE STANISLAE RADIVILE  
Nullas demerendi cælos omisisti partes, omnes meritis,

Quàm rarò conueniunt  
Autoritas summa & demissio?

Quàm magnificè  
Ambitam glorioso sinu vtramque intulisti Academiæ

M. D. L.

PRINCEPS ET CANCELLARIUS  
Non potuit non plurimum sapientia sapuisse.

F

Cum



Cum minimum sapere spectaculo Principis disceret  
nec gloriosorem veræ eruditionis Doctorem conspexisse  
tanto Principe, Humilitatis ac Pietatis, Publico Professore.  
Studiosus Diuorum Tutelarium cultus hætenus viguerat

tunc in Laurum maturuit

genua supplicis ante aram Diuorum Principis coronaturam,

Cinxisset utique Caput,  
nisi demissa inclinatione Cælo insertum  
immortaliori ferto præuentum fuisset.

Dies tamen inaugurati Cælitibus Principis singulis inscripti mensibus

Vno tanta pietas claudī die quī posset?  
Quicunque iam magnos spectatis Principes  
dum parui fiunt pernoscite,

In imo nemo magnus videtur, nisi sit.  
in alto trunco quoque crescimus.

Sorte optima Principis nostri magnitudo patuit.

Inter alumnos teneræ pietatis permixtus

Gigas virtutis apparuit  
geminaque simul sorte  
Cœlitum Tutelam, Mortalium laudem, nactus est.

## IMAGO XI.

Sacratissimo Missæ Sacrificio quotidie inter-  
esse solitus. Sacramenta Pœnitentiæ ac Eu-  
charistiæ non mensibus tantum sed singulis  
pænè hebdomadis frequentat: Sacris item Ser-  
uatori eiusque Virgini Matri diebus, tum eti-  
am Diuorum Tutelarium feriis: quorum vir-  
tutes quoque summo delectu recolit.

IN-



# INSCRIPTIO.

## Vno vitæ spatio

toties viuimus quoties mori poteramus  
Momentanei homines, Horarum lucella Quotidiani infantes

## Hoc solo felices sumus

quia extra arbitrium nostrum positi sub iustissimo vitæ necisq; arbitrio

## viuimus Deo.

Prò quantum hoc nomen pondus inuehit?

Cogitent alij, sustinuit generosè

ILLVSTRISSIMVS ALBERTVS STANISLAVS RADIVILVS

quoties viuus, acceptæ vitæ Deo gratus.

Nec tamen gratus sibi visus, si se beneficijs autoris impendisset

Par Deo donum, Deus esse debuit

Sacris religione pura institutis sibi oblatas

Sic de alieno Princeps munificus, de suo Deus ditatus.

Imperatoribus olim menses sacratas

vni omnium Imperatorum Imperatori à Principe:

## Grandi certè compendio

Sacri Panis circulo inuoluti

Nouus cœlestis Magisterij discipulus.

Calendas pectori insculptas gessit.

ad quarum præscriptum tutelaria veneraretur sidera

Septimanam concluderet pietatem.

Occultam sublimis sapientiæ eruditionem

Vmbra tegumenti corporei prodidit

diebus Christo, Virgini Matri, Diuis cœlitibus sacris

## Deo sub pane velato

Sacrum Principis pectus inumbrans

Nec frustra de Virgine cera vmbrae species adhibita

Sagacissimum Diuinorum ingenium

dum Pane cœlico vescitur



Melia calica a se requiri intellexit  
& dedit  
De floribus pulcherrimarum virtutum  
Pauli, Stanislai, Ignatij, Xaverij  
eo delectu, vt sua cuique florum laus esset  
eo artificio  
vt omnis dulcedo in vnā transferretur  
velati Corporis Christi ceram.

## IMAGO XII.

Orationes meditationesque sacras flexis genibus persoluebat, cumque succumbente tenero corpore oneri genu alterum grauitè attritum fuisset, post diuturnam dissimulationem nonnisi periculi grauis iusto metu ad mendandum pedi igne diro affecto adduci potuit: quo tamen tempore cum non posset vtroque genu, altero flectebat, susceptas Deo preces redditurus.

## INSCRIPTIO.

O magnæ prodigia aulæ!  
paucorum in Principe exempla Cænobitarum  
Supplicem Principem habitus monstrat,  
leuat casus humilem  
Quantum descendit pondere corpus, erigitur animus  
Scabellum pedum domini ponuntur inimici  
fit Iponte amicus.

Quid



Quidni Numen inuocatum ad se flectat  
tam demissè flexus !

Ars vna Deo accedendi, descendere.

Genibus minor factus, cælo caput inserit

Si staret, tantus non excreceret.

An & hac ratione par fieri homini amat Deus  
Vt ille è genibus, ad genua domini attingat  
inde delabatur ad veniam ?

In pedibus sermo multis, paucis de pedibus

Obrui dignitatem procumbendo rati

Maestate perorant

**Grandi eloquio. parui Oratores.**

Decernat Magnus orandi Magister Apostolus Iacobus

Vtrum gloriosiore calle ad callum genibus flexis peruenerit

an Princeps noster ad vulnus ?

Sponte susceptum, vt ignauia sanaretur,  
diu toleratum, vt pede læsus, ad iter mentis expeditior esset.

O facilem pietatis viam ?

Vno quoque pede ad ipsius thronum Dei salitur.

eodem tota constat oratio

inuitata sed optima constitutione.

Plusquam tamen bonus Orator Princeps

Ardet Phœbeâ face genu

pectus Diuina.

Quæ metra hoc entusiasmo captus fuderit

beata recitabit æternitas.

## IMAGO XIII.

Ieiunijs alijsq; corpori inflictis molestijs non  
contentus, nouo Dei causa affligendi corpus  
accensus desiderio, machinam inuenit, quam

G

ingressus



ingressus nudatos augustos illos humeros famulo flagellaturo proponeret, datis præceptis ne ullis gemitibus, aut sensu, à præscripto plagarum numero manusque seueritate se dimoueri sineret. Ita autem sacrum illum carcerem ordinauerat, vt ingresso, & ab extra clauso, nullus motus liber esset ad dolorem minuendum, sed sola vincendus sensûs tolerantia.

## INSCRIPTIO.

Iterum in aula Eremus, in palatio Martyrium?

Quàm ingeniosè inueteratus se renouat Amor?

Quàm liber in tam arcto carcere animus?

Quàm spatiosa in tantis angustijs Principis libertas?

Quàm augusta in tanto verecundiæ rubore purpura?

Desipiunt obsonia palati, sano palato  
meliusque ieiunio expletur

**Temperantia conuiua.**

Multa tamen dum sibi negat Princeps, nihil Principi

Maximus Princeps, cum victor sui

Agnoscite veri ingenium Amoris

Nouis ignibus, noua quærit continuò fomenta

Non amor si non ignis, non ignis si non nouus perpetuò ignis.

An virtus nocua esse potest

totque iustissimis plecti tormentis

queri poterat?

**Ne falleremur**

Nudata humeros visa Innocentia

ab oculorum, quàm flagellorum ictibus rubicundior.

Vtrum.



Vtrumque tamen passa  
 Vt intus, & in cute sincera nosceretur  
 Herus sub manu famula plectitur?  
 Libertatem ad obsequia debita erudit.  
 Audiri suos gemitus non vult?  
 Cælo totos transmittit.  
 Numerum plagarum minui nefas censet?  
 Nil consonum turbato numero.  
 In hac potissimum cithara innocentiae,  
 Subfultu sanguinis, cantu animi, plausu poli.  
 Sic sonat, quod cælo, quod æternitati consonat.  
 Luctatur corpus spontaneo inclusum carceri,  
 Animus corpori:  
 Neutrum suum odit tormentum.  
 Tormenta Dei causa suscepta certissima omnium lenimenta  
 dolorum.

## IMAGO XIV.

Munificentia in egenos semper eximia, Vil-  
 nae famis tempore ingentes pauperum turmas,  
 publicis prandijs per plateas distributis SOCIE-  
 TATIS IESU personarum operâ alit: tum rur-  
 sus Pinski pari in necessitate totius vrbis ege-  
 nos, acaduenas sustentat. Dotes multis indi-  
 gentibus elargitus, postremo Olycæ censum  
 perpetuum pro dotandis quotannis Virgini-  
 bus egentioribus fundat.



## INSCRIPTIO.

Nisi

munificentiae amorem, pectoribus humanis natura inseruisset,  
grauem se probasset Nouercam,

Neget interea multa multis, rea tamen non est.

Dat omnibus, quod opulentis  
quia dat pro omnibus.

Magna Domus, Mundus est,

Vnius Patrisfamilias beneficio viuit,  
per varios dispensato.

Assurge gloria ILLVSTRISSIMI PRINCIPIS  
ALBERTI STANISLAI RADIVILI

fulcrum eminentius non requites  
opibus in egenos à Principe effusis scabellum stratis

Nullus illi dies perditus  
quo non amici de muneribus beneficiis comparati.

èò Tiberianis meliores, quo indigentiores

Rediuius officio & virtute Eleazarius.

Egenorum defensor, altor, seruator fieri vnicè studuit,  
meruit.

Ne sacra illa pectorum fames  
cor suum exederet,

Ostendit quæ innocuo vni possent auro pectora,  
excitauit munificentia auxiliaturi desideria auri  
fameque liberaliter immissa, famem male vexantem sustulit,

Ingenti Vilna non suffecit vastitate

ambiendæ liberalitati Principis,

Pinscum inde prouecta, & transuecta,

Ciuius ac aduenis suffecit.

Parens



Parens pauperum vocari amauit,  
Vrbium dici potuit,  
Auri & vitæ gloriosissimus largitor.  
Gratum cælo spectaculum,  
Ciuitates, mensæ: pauperes, conuiuæ:  
Multitudo conuiuarū, quæ cælo tegi posset; beneficētia largientis  
quæ ad omnes pertingeret.

Euangelicorum typum conuiuiorum spectasses,  
Nisi quod ibi diurna, hîc pænè annua prouisa sustentatione.  
ibi munera exigua miraculo aucta; hîc magna generosè expensa.  
Vtrobique Socijs I E S V adiutoribus instructæ epulæ.  
Vt ex socijs autor facti nosceretur, in duobus vnus.  
Quis non crederet immortalem hanc munificentiam?

Inuenit Princeps  
quod in ipsa firmaret perennitate  
Perpetuo dotandis egentioribus  
fundato Ołycæ censu.

Tantus amor virtutis Principi,  
vt in alijs quoque auro æstimaret.

Tanta liberalitas,  
Vt ne cælum sine dote adire vellet.

## IMAGO XV.

Templa in ditionibus sibi subiectis alia amplificat, ornat alia, multa de nouo erigit, vt in  
Capit: Pinscensi, Pinsci. in Caunensi Rumfzy-  
skis. in Velonensi, Velonæ. At Ołycæ in  
Vrbe hæreditaria, templo, sacrum Canonico-  
rum Collegium, & Academiae coloniam addit,

H

tum



tum verò templum vasis sacris é puro auro  
amplè ditat.

## INSCRIPTIO.

Vicino Deo tuta omnia  
Domestico, tutissima.

An verò alienus ab eo quod incolit?  
aut Domus eius alibi, quàm vbi degit?

Abite profana fanorum ludibria, & simulata simulacra.

Templa, Numinis veram sedem veneramur.

vniuersum non negamus,

Domesticum habemus semper Numen, interdum facimus

Augusti id genus ingenij, & Tui

ILLVSTRISSE ALBERTE STANISLAE RADIVILE

Eadem confinia virtuti, & Tibi,

Virtuti & Deo.

Vt tamen proximum faceres lateri admouisti.

Nusquam dominus, nisi diuiso cum Deo dominio;

Nec possessor, nisi partitis possessionibus;

Nec hæres, nisi duo ex asse Hæredes.

ô iucunda terrarum monumenta,

Aulas dignas Principe, templa digna Deo!

Sic cultas aulas, vt Deum incolam mereantur,

Sic culta templa, vt Deo incola gaudeant,

Principe autore glorientur.

Experiri qui cupit,

Pinsensem, Vielonensem, Caunensem, Capitaneatum respiciat.

Excellit cæterorum gloriam Olyca;

Quidni excellat?

Pulcherrimi certaminis theatrum facta est,

in quo contenderetur,

Vtrum



Vtrum nascentis Principis locus,  
Hæreditas Principis, an Dei dici deberet?  
Decernite GLORIOSISSIMI PRÆSVLES ERVDITISSIMI Academici  
Principis Nostri ac Vestri sententia patuit,  
Cùm Collegio Sacratissimo Academicæq; Coloniae florentissimæ  
aureo adiecto apparatu:  
hanc beneficio quæsiuit gratiam,  
vt sibi concessa, Deo redimeret:  
aureaque donatus velatæ maiestatis sede,  
aureis cultus ignibus, circumfusus fulgoribus  
Deus,  
aureo semper Olycæ reluceret vultu.

## IMAGO XVI.

Omniū Ordinū Religiosæ disciplinæ ad-  
dictorum, sed inprimis Societatis IESV cultor  
ac benefactor constantissimus. Collegium  
eiusdem Societatis Pinski erigit ac fundat; tem-  
plo quoque extruendo census assignat.

## INSCRIPTIO.

Oderunt mali bonos

In promptu causa

Se quisque in alio odit, vel amat.

Multis virtus inuisa, quia aliena; cara vitia, quia agnata.

O bonarum causarum, Tribunal pessimum?

pro suo merito demeritoque de alijs decernere.

Apud probos iudices, silet vultus, causa perorat.

Nunquam rea virtus, coram virtuoso

quanquam dissimilis, aut insit alteri.

H<sub>2</sub>

Tuam



Tuam PRINCEPS ILLVSTRISIME,  
ALBERTE STANISLAE RADIVILE

Loquimur cum virtute Sapientiam.

Amasti virtutem, quia coluisti,

Varia in varijs visa, non aliena

**Sparsa, non peregrina**

Secreuisti in Religiosa paupertate, quod aulicæ misceres opulentiæ  
in seueritate, quod delicijs,  
in mancipatu, quod libertati.

Necti dissita natura non poterant, affectu iunxisti,

**Ambitus purpurâ**

pannosos non exclusisti Franciscos, Dominicos, Ignatios,  
Intus erant, dimoueri non poterant.

Dedisti tamen hoc inprimis Societati I E S V,

**Magnus, Minimæ,**

Vt de loco nouissimo aduocatam  
in Supremo pectoris collocares hospitam.

ac ne de animi sensibus dubitaret,

Collegij Pinscensis egisti auctoramento.

Addidisti templo erigendo census,

beneficio pretium, pretioque beneficium.

Marmore iam tua non scribetur, sed constabit fama,

Saxea ad fortunæ impetus, sacra ad memoriam.

## INSCRIPTIO II.

*Eiusdem Imaginis*

Nomine Collegii Pinscensis

SOCIETATIS IESV.

Vixisse te lacrymamur,

quem viuum semper DEO & PATRI Æ optassemus

ô Parens, & Princeps!

Acerbus



Acerbus gaudij vestigator luctus,  
Si tanto fœuaret tempore, quanto indulgit  
tolerari vix posset :

nunc

tota vno conditur squalore Æternitas.  
Excessisti terris, non cordibus, non animis nostris;  
conditus tumulo, seruatus gratis pectoribus.  
Hic te mæsti sublatum orbi spectamus,  
grato vtinam obsequio, quod docuisti.  
Nihil nos tuis beneficijs par spondere poteramus,  
nihil Tu Tibi promittere.  
Pectoris placita, placeat sinceritas,  
Mancepsque grati studij animus.  
Sequemur minimè coacti, quo Te maximè inuiti dimisimus.  
Neque tamen à Tui memoria discedemus.  
Succedet fera abeuntibus posteritas:  
& quæcunq; diu aduenerit

Tua noscetur.

Te corde, Te vultu, Te vitâ, & Perennitate sua referet  
Viues vnus in omnibus.

Omnium in vna ætate Collegij Pincensis ætatum, Fundator  
Quod si Superis aliqua terrarum cura superest  
vt superest.

Spectabis ab alto, gloriosus Tuimet spectator  
theatrum nobile virtutis & scientiarum,  
Gymnasia Iuuentutis eruditioni, à Te Pincisci erecta;  
Videbis ad Tuæ imitationem Virtutis

Gemmantem Integritatem,  
Efflorescentem Deuotionem,  
Succrescentem Pictatem,  
Maturescientem sanctitatem:

Triticum vtriq; areæ Domini Tui;  
Cui ne funesta superfeminarentur zizania,



Vigiles posuisti Custodes,  
Præsidemque Sapiëntiam.  
Crescent felicia è tali satù germina,  
brachijs defensa R A D I V I L I A N Æ Aquilæ,  
decurfu recreata LVBOMIRSCIANI Srzeniawa.

Sed heu!

& lætus ille Srzeniawa mæstis nunc diffluit lacrymis,  
& triumphalis A L E S  
pullato absentiam heri luget cultu.  
Vale ô Princeps, & Parens Augustè!

Æternam Tui ad templa arasque à Te erectas Sacratùri memoriã  
Æternum Tibi nosmetiplos figimus monumentum.  
Quidquid erimus, Memoria Tui erimus.

## I M A G O XVII.

Immaculatè Conceptæ Deiparæ Virginis  
cultui deuotissimus, nihil se vnquam negaturû,  
hoc venerando titulo petitioni interueniente,  
animum obstringit: inde non leues sæpè iniuri-  
as, multa que millia pecuniæ aliquando donat.

## I N S C R I P T I O.

Fauete Superi!

Nouum immaculatè Conceptæ Reginæ vestræ  
Surgit à Principe trophæum.

En turrim Dauidicam mille clypeis ornatam,  
iræ vindictæque ereptis.

Ad genium plane Patris æterni;  
quicquid petittum fuerit hîc, datur.

Ad genium Filij,  
Matris Diuinæ à Principe colitur honor.  
Nasciturus in tempore de Matre, natus de Patre ab æterno

Deus



## Deus

arcum contriuit, ne è longinquo; arma confregit, ne è propinquo,  
concupienda læderetur Mater:

Scuta denique exussit igni,  
Ne communi iure, contra Iuris Dominam,  
Communis se tueretur hostis.

Rursum igitur arma scutaque sacrantur Virgini,  
Ne ira ac vindicta hominis ad illius nomen valeat,  
ad cuius primos aspectus, totam Deus deposuit iram.

Ludens coram Domino omni tempore  
& ploratum nostrorum causæ temporisque ignara MARIA,  
peccatum audire non potest, antequam condonetur.

Terribilis vt Castrorum acies, armis gaudet  
Non nocituris, sed quæ non nocuerunt.

Ab æterno, & ex antiquis, antequam terra fieret ordinata,  
alium ordinem non didicit, nisi Deo cœuum  
Clementiæ.

Iustitia cùm nusquam Deo absuerit, serò cognita.

At

auro simul & ferro emicat Principis trophæum.

Ferro, ne vlcisceretur, Virgini appenso; auro, post iniurias, donato.

A latere ferrum, de latere aurum promitur.

Culpa in beneficium vertitur

Aliud Marianum Principem non decuit.

Nam & illa

generis humani scelus in beneficium vertit,  
cùm immaculatè Concepta,

publicum nasciturorum probrum, ad vincendum hostem transfudit.

## IMAGO XVIII.

Propagaturus ad posteros virtutum eximia  
documēta, libros complures eruditione ac pie-  
tate maximâ: atq; inter eos de laudibus Deipa-  
ræ Virginis, & cruciatibus Spinarum Christi,



præclara opera edit. Demum eximio operi rerum suo sæculo in Europa gestarū immoritur.

## INSCRIPTIO.

Vix bonus, qui sibi soli bonus.

Liberalis virtus, more fontis in riuos exundat.

Discamus facienda, facto Principis.

Virtutibus vixit, scripsit virtutes

Quem libros piget legere, legat vitam.

Quem vitam, libros.

Et in vita libri, & in libris vita cernitur.

Gloriosior tamen vitæ Panegyris,

ideoque prior.

Magnis consent monimenta momentis,

hic iure dubites quibus?

In maximis Reipublicæ, domusque maximæ negotijs,

Materies scriptionis eadem, quæ salutis;

Ætati simul & Æternitati laboratum opus.

Prodige vni lucro labor impenderetur, par duobus.

Variatum idioma, vt constaret doctrina.

Latinè ad venerationem argumenti Romanæ Religioni sacri, locutus,

patrium idioma ad vsum communem permiscuit.

Italicâ, Gallicâ, Germanicâ scriptione abstinuit:

Vt doceret, non quantum sciret, sed quantum fieri, cum fecisset, optaret.

Capita præcipua librorum. Capita rerum mundi,

**I E S V S & M A R I A.**

Altero dum spinas seruatoris numerat, aculeos criminum effringit:

Altero dum lilia decoris Mariani recenset, lilia de spinis educit.

Vtroque (ac cæteris) eam cum pietate eruditionem claudit,

Quam

Sanctissimi Doctissimi que viri suam optent,

Principis nostri admirabundi profiteantur.

Tandem pigeat non esse pium,

vbi tam grandi testimonio

Pietas suadetur ab aulâ.



Latè Te Tua per eruditos calles, circumducet peregrinatio,  
NICOLAE RADIVILÈ, PALATINE VILNENSIS,

Spectator ac scriptor Terræ sanctæ, Grauiissime.

Iungetur æternus doctioris famæ Comes,

ALBERTVS STANISLAVS RADIVILVS,

Operi etiam de sui sæculi gestis in Europa meditato,  
ne tot operibus æternitatem nondum meruisse videretur  
immortuus.

## IMAGO XIX.

Ætate meritisque grandis morbo Gedani  
arripitur, atque ad vicinam mortem diuturna  
tolerantia se disponit. Post obitum à Serenissi-  
mo Ioanne Casimiro Rege Poloniarum inui-  
situr.

### INSCRIPTIO.

Habent & merita suam ætatem

Quamvis nunquam senescunt, aliquando deficiunt.

Senij locum mors, mortis, præmium obtinet.

Capitis decus, terrarum propago flores.

Cælicus honor, humanarum mentium soboles virtus.

cùm maturuerint, nectuntur in coronam,

aureo filo ætatis.

Nusquam tamen hoc sertum citra cupressum conspexeris,  
Fatalis terræ appendicula, cælo triumphalis est.

Supremum meritorum Coronamentum.

Vixeras Princeps, vixeras.

Satis Tibi, satis meritis, parum desiderijs nostris,

cùm heu!

tristis è cælo demissa cupressus  
fatalem Tibi Gedani indixit diem.

K

Pul-



Pulchrum erat  
intra urbem seruata, Seruatorem Patriæ.  
intra annulum fidei, Gemmam fidelitatis  
intra ambitum constantiæ Atlantem Lituaniæ occumbere.

Pulchrius  
Luce Lechica

Serenissimo IOANNE CASIMIRO Rege Poloniarum  
post occasum illustrari.

Pulcherrimum  
à Corona egredi ad Coronam  
à ciuica, ad Triumphalem.  
Hinc exire seruata in patriam fidei Regio insignem testimonio  
eo peruenire  
inuiolata in Deum obseruantia  
gloriosum iudicio.

Ibat, ibat Heros  
Securus conscientia, hilaris expectatione.  
Territa mors, dum non timetur  
diu impetum distulit, integra Principis vigilantia  
diu morbis prælusit, integro robore  
Age gloriose athleta  
Vt morti cedas, non concedes.  
Comitem te non captiuum habebit,  
Multum interest,  
Mors aliquem rapiat, an assumat.

## IMAGO XX.

Post vitam integerrimè actam, singulis die-  
bus in morbo supremo animum confessione  
expiat, bis interdum ac sæpius eandem adhibet.  
Pari quoq; vigilantia mentis, SS. Eucharistiâ  
panè



pænè quotidie reficitur. Tandem desiderijs  
cælestis patriæ anhelans, Patres Societatis IESV  
lectulo assistentes his allocutus: Quid facitis ô  
Patres mei, cur orationibus vestris discessum  
animæ meæ ad videndum Deum retardatis? in  
Domino quiescit.

## INSCRIPTIO.

Adeste mortales

Ingens supremæ sapientiæ, panditur theatrum,

Schola, Palatium: Præcepta, exempla.

Discite bene viuere, discite bene mori.

Silentio vocis, professione mortis,

ILLVSTRISSIMI PRINCIPIS  
ALBERTI STANISLAI RADIVILI.

Occasum tuum ô Princeps!

Cum sole fulsisti, cum eodem occumbis

Diem gestasti pectore,

Vesperum spontaneis induis tenebris.

Innocentiæ perpetuus defensor, tandem accusator factus

ream statuis ante suum Tribunal.

An aliter Cancellarius mortis, quàm vitæ iudicabit?

Dicat ignarus

Innocentiam minime ream inueniri, cum maximè accusatur

Probatur, non damnatur virtus examine.

Quàm iustè in alienis causis Supremus iudiciorum egerit Præfectus,

tum maximè ostendit,

Cùm se suæ subijceret accusationi;

Diuinæ sententiæ

Sæpius quoque in dies virtus accusata, & sine culpa inuenta.

Damnabatur opus ab autore, probabatur à iudice

Heu quantum premunt lapsu caduca!



Minima æternitatis pondere incumbunt.  
Vitauit Princeps onus, pio ingenij astu.  
Egressus mente mortalitatem, antequam hæc concideret,  
ingressus immortalitatem, antequam illa premeret.  
Grande pariter longumque iter vt breue faceret.

Secum detulit, ad quem properabat Deum  
in via terminum, in progressu finem,  
Formidasset vtique ludicem  
nisi meruisset diu Amicum.

Felicitis amicitia, felix oblatum sæpius insigne  
Vmbra panis, fæderis inter Deum ac homines robur.  
Velamen candidum, pignus sortis candida,  
Calculus albus Æternitatis.

Hinc illæ desideriorum flammæ, hic anhelitus animi  
ad libertatem perennem eluctantis,

**Quid facitis inquiebat**

discessum animæ meæ ad videndum Deum  
Orationibus vestris retardatis?

O vocem Æternitatis Candidato dignam!

O animi virtutis conscij testimonium ingens!

O religiosissimo in Principe portentum audaciæ!

Vrit oculos, inclusus cordi Deus:

Videri vult cùm amatur, amandus cùm videbitur

Hoc circulo felix æternitas gyretur.

Princeps noster iam rapitur,

**Abite mortales**

& gyro volucris vitæ inscribite

Bene vixisse, bene mori, bene mori, bene vixisse

bene vixisse, & mori

**Æternum viuere est.**

